




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)

Nº 3379.



St. Jørgen



= LN 1212

ex. 2

IDYLLIA CHARITVM

Pietate & eruditione præstanti

Juueni

NICOLAO CLAVDIA-

NO Neoburgensi, almæ Rosa-
rum Academiae valedicenti, & in patriam

circa festum Michaëlis Anno *ms mæg-*

Revolucionis 98, iter maturanti, per-

petuæ fraternitatis ergò

Scripta à

LAVRENTIO OLAO

Othomiensi Dano.



ROSTOCHII

Typis Stephani Myliandri.

Anno 1598.





Qui cupit intacta praeceptam Palladis ar-
cem,
Scandere, & Aonijs tecta subire cho-
ri,

Discat multa pati, multos tolerare labores
Non renuat, forti pectore cuncta ferat.
Illi multoties stimulos sedabit edendi

Panis bis cocti portio tincta sale.

Thyrigeri fugiens ardentia munera Bacchi
Ardentem discat fonte levare sitim.

O quoties glacialis hyems glomerata pruinis
Illius hyberno tempore membra premet!

Et meritò, tenera ne prosperitate juventa
Concidat in tremulo curva senecta gradu.

Sis patiens igitur. Patientia firma ministrat
Pharmaca, sis vigilans, fac tua, fide Deo.

Ille dabit verum rebus solamen in arctis,
In fines studium diriget ipse bonos.

Non habet ille rosas, fruitur nec odoribus ille,
Qui spinas rigidas, quiq, venena fugit.

Nec valet Hybleos apibus spoliare liquores
Qui fronti pavidus spicula dura timet.

A 2

Menit

Munit spina rosas, & apes sub melle teguntur,
Artes ingenuas aspera multa tegunt.
Spes tamen haud unquam confundit, Militis harpe
Ficta nonnunquam rumpitur ipsa suo.
Hac spe Nicoleos seu victor diceris esse,
Frater praesidium dulce decusq; meum,
Hac spe Cecropiae tanto sudore Minervae
Sacrasti vitæ stamina prima tuæ.
Bellerophon teas hausisti sedulus undas
Ac exantlasti tædia magna lubens.
Scilicet ut patriæ posses servire salutem
Atq; etiam docti nomen habere viri.
Nec tibi spes fallax: Nam primo a flore juventa
Arrisit studiis Divus Apollo tuis.
Ille Neoburgi mores formavit, & alma
Suggerit sophiæ prima elementa tibi.
Post hac intraisti socio comitatus eodem
Herlufsholmiacæ limina docta scholæ.
Hinc Rhodiocrenes, Rosei seu fontis in urbe
Hausisti Clarij flumina pura Dei.
Sed quoniam natale solum dulcedine natos
Ducit, & ut flamma semina Naphtha trahit:
Mox Othoniacas, succensus amore Lycei
Accēsti, domino concomitante domos.

Hic

Hic ubi proponit doctas Glamdorphius artes,
Discipulosq; probos, ut pater alter, amat.
Exemplar morum, virtutis Regula fulget,
Aethereas veluti Lucifer ante faces.
Corripit errantes, Iuvenum scelera impia damnat,
Est quoq; discipulis norma probata suis.
Quo circa cunctos virtutum laude nitentes
Hac sibi de vinc'tos dexteritate facit.
Ac velut alliciunt molles nova succina glumas,
Succina lanosâ veste polita prius:
Hujus non aliter radiantis gloria fama
Allicit eximios conspicuosq; Viros.
Hic ubi doctrinae fundamina firma locâßes
Te Copenhaga suo suscipit alma sinu.
Hic te Dibvadius, Kragius, Resenius atq;
Stubæus studijs erudiere bonis,
Hinc Germanorum migrabas hospes in oras
Rostochij celebris tecta superba petens.
Quas sedes meritò commendat mascula virtus
Nec non doctorum magna corona virum,
Hujus magnificus moderatur sceptrâ lycei
Albinus patriæ splendor honosq; sue.
Chytræus Clariæ decus immortale coronæ
Romanis Pauli dogmata scripta docet.

Michaam Lucas nunc Bachmeisterus ad unguem
Explicat, idq; piâ religionē facit.
Frederus Genesin sub Phœbi lampadis ortu
Tradit, & Examen doctē Philippe tuum.
Salvificas serie proponit Schachtius aptâ
Historias Luca, cunctaq; membra secat.
Æterna vitæ Lobeckus destinat omnes
Qui pergunt purâ fidere mente DEO.
Præterea juris defendunt lemmata multi,
Artis Apollineæ lumina multa micant.
Immò hic linguarum viget alma scientia, & omnes
Artes ingenuæ, quas dedicisse juvat.
Quas dedicisse juvat dum florida ver agit ætas,
Dum mens in sano corpore sana viget.
Non igitur frustra liquisti tecta parentum
Sed Sophia tecum munera diarefers.
Ingenij dotes decorasti moribus aptis,
Tu Rosæ sedis donec alumnus eras,
Ergo dum patriam repetis, sine veste decentes
Exoptant Charites prospera cuncta tibi.
Dumq; tibi celeri via carpitur udaphaselo,
Ecce canunt dulci talia metra sono.

AGLA-

AGLAIA

SPe studiosus inops Cunctos superare labores
Debet, & eximia Pietate subire palæstram,
Palladis, ut prisca Sumat cum laude coronam,
Et florem gestet Clariis qui crescit in hortis.
Tu quoniam id Reolis Victor robuste malorum,
Ecce tuum nunc ALA DEI RVtilantibus armis
Seruat iter, cōstANS VIA ERIT Nihil ergo timebis.
In toto nihil HACs INETVTVM viuit in orbe,
Æthereosq; sacrum tibi PN euma adspirat amores
Vt Christi nomen RO seo qui sanguine nostras
Purgauit sordes COR am defendere mundo
Incipias toto eT F A cias per dogmata fructum,
Pura Dei, qui ritè tV I S conatibus adit.

THALIA CHARITUM.

FRater Palladiis tuum
Exornans animum jugiter artibus.
Te Nymphæ decorant tuæ,
Te laudat probitas, te celebrem facit
Insignis; pietas polo
Descendens nitido, quam sequitur Dei
Verbi sancta scientia,
Qua nos sulphureis eripimur focis.
Ergo dum patriam petis.
Et tentare Thetin nauibus incipis;
En lauri roseas tuo
Subnectam capiti fronde coronulas,
Phœbusque ambrosio tua
Perfundet sophiæ nectare pectora.
Et te

Et te suscipiet Deus
Tali fronte, suam quā genetrix bona,
Prolem suscipit unicam.
Avertet pariter cuncta pericula,
Ac forti reducem manu
Te charis patriæ sistet in ædibus.

EUPHROSYNE.

FAc Deus magni moderator orbis
Summus excelsâ residens in arce,
Salvus ut jam Nicoleos paternas
Tendat in oras.
Non ratem lædant scopuli, nec illam
Sæva tempestas pelago suborta
Obruat, ventis potius secundis
Æquora currat.
Sic pijs hymnis tibi semper alme,
Sacra persolvam Genitor, tuique,
Nominis laudes celebrabo totum
Voce per orbem.

TAlia Acidaliæ cecinerunt carmina Nymphæ
Quæ tibi me verus scribere iussit amor.
Scribere iussit amor seros mansurus in annos,
Quem poterit nunquam frangere livor edax.
Livor edax pereat Stygijs dignissimus undis,
Noster in æternum vivere debet amor.
Sed quoniam tumididistendunt carbasa venti,
Et spirat votis aura secunda tuis,
I foelix, veniensque domum dic quæso salutem,
Cunctis quos nobis noveris esse bonos.

SOLI DEO GLORIA.

3379.